

Pratite ovu najbolju praksu prilikom vezivanja djece u vozilu

Odjel za zdravstvo Sjeverne Dakote preporučuje sljedeću najbolju praksu prilikom prevoza djece u vozilima:

Djeca mlađa od 13 godina trebaju se voziti na zadnjem sjedištu.

Okrenuto nazad u vozilu Djeca do najmanje dvije godine se trebaju voziti okrenuta nazad.

Na raspolaganju su dvije vrste auto-sjedišta:

Sjedišta za bebe – većina ovih auto-sjedišta može se koristiti za djecu težine do 10-16 kg (22-35 funti). Koristite ih sve dok dijete ne dostigne granicu najveće veličine ili dok glava djeteta ne bude 2,50 cm (jedan inč) od vrha auto-sjedišta.

Sjedišta s mogućnošću promjene mjesta naslona – ova auto-sjedišta mogu se koristiti okrenuta prema nazad i naprijed. Većina se može koristiti okrenuta nazad kod djece težine do 13,5-18 kg (30-40 funti). Koristite ih okrenuta nazad sve do granice najveće veličine koju dozvoljava proizvođač.

Okrenuto naprijed u vozilu Kada dijete ima najmanje 2 godine starosti ili je preraslo granice najveće veličine za auto-sjedište okrenuto nazad, ono se može voziti okrenuto naprijed u auto-sjedištu sa sigurnosnim pojasem. Koristite auto-sjedište sve dok dijete ne dosegne granicu najveće veličine koju dozvoljava proizvođač. Auto-sjedišta sa sigurnosnim pojasem mogu se koristiti za djecu težine između 18-45 kg (40-100 funti).

Booster sjedište Kada djeca prerastu sigurnosni pojas u svom auto-sjedištu okrenutom naprijed, mogu se premjestiti u booster sjedište. Dijete treba imati najmanje 18 kg (40 funti) i navršene najmanje 4 godine života. Držite dijete u booster sjedištu do visine od oko 144,5 cm (4'9") ili sve dok sigurnosni pojas pravilno naliježe preko tijela djeteta. Većina booster sjedišta može se koristiti za djecu težine između 36-54 kg (80-120 funti).

Sigurnosni pojas Kada djeca prerastu svoje booster sjedište, mogu koristiti sigurnosni pojas ako se on može pravilno vezati preko tijela. Da bi se sigurnosni pojas pravilno vezao, donji dio pojasa mora komotno ležati preko gornjih butina i biti komotno postavljen preko ramena i grudi. Ne bi trebao da leži na stomaku ili preko vrata.

VAŽNI SAVJETI:

- Izaberite auto-sjedište na osnovu uzrasta, veličine, razvoja i zrelosti vašeg djeteta. Informacije o veličini možete naći na etiketama pričvršćenim za auto-sjedište, kao i u uputstvu za upotrebu.
- Stavite dijete u sjedište slijedeći uputstva za auto-sjedište.
- Postavite sjedište čvrsto u vaše vozilo pomoću sigurnosnog pojasa ILI pomoću sistema kontakata za pričvršćivanje sjedišta (LATCH sistem). Pratite uputstva za auto-sjedište i uputstvo za upotrebu vozila.
- Registrujte svoje auto-sjedište kod proizvođača, provjerite da nema poziva za vraćanje proizvoda usljed neispravnosti i pratite rok trajanja auto-sjedišta.

Neka auto-sjedište ili booster sjedište vašeg djeteta pregleda neki od mnogih certifikovanih tehničara za sigurnost djece koji su na raspolaganju širom zemlje. Da biste pronašli tehničara za sigurnost djece, obratite se Odjelu za zdravstvo Sjeverne Dakote za sigurnost djece na broj 800.472.2286, posjetite internet stranicu www.ndhealth.gov/injury/ ili idite na <https://www.safercar.gov/> i odaberite auto-sjedišta.

Zakon o sigurnosti djece u saobraćaju Sjeverne Dakote



- Djeca mlađa od 8 godina moraju se voziti u dječijem sjedištu (auto-sjedište ili booster sjedište). Sistem za vezivanje se mora pravilno koristiti – prema uputstvima proizvođača.
- Za djecu mlađu od 8 godina, koja su visoka najmanje 144,5 cm (4’9”) može se zamijeniti pravilno korišćenim sigurnosnim pojasom.
- Djeca uzrasta od 8 do 17 godina moraju biti pravilno vezana sigurnosnim pojasom ili sigurnosnim sistemom za djecu (auto-sjedište ili booster sjedište).
- Djeca mlađa od 18 godina moraju biti pravilno vezana bez obzira na lokaciju u vozilu.
- Kazna za kršenje ovog zakona je 25 dolara i jedan kazneni bod na vozačku dozvolu vozača. Vozač je dužan da osigura da svi putnici budu vezani odgovarajućim sigurnosnim pojasevima.

Za pomoć u odabiru odgovarajućeg sistema vezivanja djece za svoje dijete, pogledajte smjernice najbolje prakse na poledini.